



Aqqalu C. Jerimiassen

UKA 2020/196

Atassut

8. Oktober 2020

**Sakkutuujusussaaneq pillugu inatsisip allanngorneratigut inatsisit aalajangersimasut
Kalaallit Nunaannut atuutilernissaat pillugit kunnigip peqqussutaatigut
atuutilersinneqarnissaa Namminersorlutik Oqartussat akuersaarsinissaat pillugu Inatsisartut
aalajangiiffigisassaat.**

(Nunanut Allanut Nukissiuqarnermullu Naalakkersuisoq)

Sakkutuujuneq tassaannaasariaqanngilaq sorsuffimmut miloriunneqarnej, tamanna sakkutooqarnikkut sakkuaannikkullu tunngassutilinni akerliulluinnartut (pacifister) sakkunnaarikkajuttaraat naluneqanngilaq.

Pingaarnerpaarli maanna aajuna eqqamasariaqangarput, inuusuttagut pitsaanerpaamik imminullu tatigilluinnarlutik inuusinnaanerat aqqutissiuttuuartigu. Sakkutuujusussaataitaanikkummi inuttut perorsarneqarnerit annertungaatsiartut (disciplin) pilersinneqarsinnaalluarmata, taamaalillutamittaaq inuusuttagut unittuinnarnermik eqqorneqarsinnaangaluit sakkutuujusussaataitaanerup pilersinneqarneratigut siunissamut aqqummik nutaamik ammaassinnaalertussaassamagit.

Atassummiik sakkutuujusussaataitaaneq tamakkiisumik naalagaaffeqatigiinnerup iluani naligiimmik ingerlanneqarnissaa tapersungaraarput.

Tulluusimaarnermi annertutaassaaq, takusinnaallugu pileraanni, sinerissatsinni illersornissakkut nakkutiginnittuusut inuusuttagut, ila tulluusimaarnassaqaq.

Issittumi maanna illersornissaq pingaarnerpaaffissamini inissisimavoq, naallu sorsunneq nillertumik taaneqartartoq ukiut 30-ipajaat matuma siorna unereersimaleraluartoq, maanna issittulerngusaanneq sakkortusiartuinnartumik piuvoq. Imartagut nammineq illersorsinnaasariaqarpagut, nunatarput nammineq illersorsinnaasariaqarparput. Issittulerngusaanneq misigitsaannerpaaffimminut maanna peruttorpoq, Russit Kineserillu sukaruttorput issittumi siuttuuniunnissaminni, qujartumilli NATO aqqutigalugu illersungaalluta nunatsinni inuusinnaavugut, tassanissaarlumi nunatta nammineq tunniussinnaasaattaq atorluartariaqarpagut, tassalu inuusuttagut arnat angutillu sakkutuujorusuttut sakkutuujusinnerisigut.

Atassummiik naalakkersuisut taamannak itsumik siunnersuuteqarnerat qujassuteqarfingalugu tapersingarlugu ataatsimiitsitaliami suliarineqarnissaanik innersuupparput.